

Tut nair

Plima d'aur: Text da Flurina Carisch

■ (gns) L'emna passada avain nus publictà il text da la victura Anina Gutsche da Savognin. Ella ha gudagnà la concorrenza da las classas superiuras. Ina giada dapli sin il podest è er stada en quella categoria Flurina Carisch, er ella da Savognin, cun obtegnair quest onn il segund plaz. Gia avant dus onns aveva ella retschet in premi.

In di da nar

Igl e stà in di da nar

Gia la damaun bod, a las 4.30, sunan las sirenas. Jau n'ha mianc udì insatge, enfin che mes frar grond ma dasda. Anc mez durmentada ma stira Mario or da letg. L'entir temp ma dumonda pertge chi è uschè stgir. Cura che mes frar constate-

scha mi'eglia da plain dumondas, di el mo in pled. Blackout. Ma quel pled am lascha schelar il saunc en mias avainas. Normalmain è uschia ina panna d'electricitad nagut da nausch, ma per nus en nossa visehnanca è quai in horror! Il motiv è l'ovra nucleara mo tretschiert meters dasper il vitg. L'ovra nucleara è la pi veglia sin quest mund ch'è anc en funcziun. Ella avess gia d'esser ord funcziun dapi d'in emna, ma perquai chi ha entschet a naiver sco anc mai è vegnì decidì da spustar quella entira chaussa sin la proxima primavera. Ina decisiun sbagliada.

Pli spert che nus essan or dad isch currin nus giu da via vers il tschaler da refugi. Las vias èn sco mortas ora. Nagina persuna, naging animal. Gnanc in rattun eurra davant noss pes. Jau perd la speran-

za da survivor cura che nus vegnin finalmain tar il tschaler da refugi. L'isch è serrà! Tut spaventads essan nus davant l'isch, Naging idea tge far. Plaunet ma strub jau vers l'ovra nucleara en speranza ch'il generatur d'electricitad funcziunia anc. Ma l'ovra fima ed alura datti in'explosiun terribla. Jau sgol tras l'aria. L'explosiun è usche ferma che stira mes maun or da quel da mes frar. Sco en retardader lasch jau ir ses maun. Forsa, hai pens jau, n'esi uschè nausch da murir.

Alura vesess jau puspè mamma e bab, ch'èn morts avant trais onns entras in discletg da traffic. Anc durant che jau hai il maletg da mes geniturs en testa, entschaiuva tut a vegnir nair. Il davos che jau aud è mes frar che cloma mes num. Jau ser ils egl.

Tutttenina am tshorvina ina glisch clera. Betg gliunsch davent aud jau mia mamma che clorna mes num. Era mes bab e fitg manavel. Jau aud el a dir che nus essan finalmain puspe ensemen. Perfin mes frar aud jau a dumandar pertge che jau na sun betg anc dasdada. Bargiond respunda mia mamma ad el che na saja betg anc temp per mai. Ed uschia vegn puspe tut nair.

Cura che jau ma desd ma sent jau betg pli usche bain sco l'emprima giada. Tut fa mal. Plaunsieu realisesch jau tge che capità. L'ovra nucleara è explodida, jau sun stada tranter la vita e la mort – tar mamma e bab. Ma igl n'era betg anc temp per mai ed uschia sun jau ussa puspe a qua. La realitad che mes frar e betg pli tar mai fa mal. Fitg mal. Sco duess jau ussa survivor tut suletta? Jau n'hai naging idea. Mo la segirtad che mia famiglia spetga insanuas sin mai am consolescha in pau.

En quel mument aud jau las sirenas da l'auto da malsaus. Mes egl èn grevs – jau ma durment.



Flurina Carisch da Savognin ha survegni per ses text sura il segund plaz.